

РУСКИ НОВИНИ

Dr. I. Đ. Višošević, rektor grkt.
sjem. Zagreb g. g.

„Руски Новини“ виходва кажди тидень.
— Предплата на рок 60 Дин.
Адреса: „Руски Новини“ Р. Керестур.

ЗА РУСИНОХ У ЮГОСЛАВИИ

Видава: Руске Нар. Просв. Дружтво
Редактор: Мих. ФИРАК.

В - И - С - Т - И

ПРОЦИ СТАЛІНА - ЗА ШЛЕБОДУ УКРАЇНИ

Главни Гитлерово новини „Фелкишер Беобахтер“ принесли в Києва вистку, же на засиданю киевского большев. одбору дзвигла ше проци Сталіна велька опозиция Украинцох. Велі подзеквали на членству у тим одбору и вийвели, же не сцу прияз одвичательност за Сталіново влочини. Україна жада свою шлебоду. Такој ше на засиданю появели жандаре и арештовали бешеднікох. Цо в німа зробели то кажди зна. Бивовно уж ані еден не жив. Бо, знаце, у большев. царстве влада така силна шлебода, же ніхто слово прегвариц не шме, хибаль кед хвалі Сталіна.

БОМБАРДУЮ ЦУДЗИ ЛАДІ

на Штредовемским морю еспански народни процибольшевицки авийони. Тоти ладі вожа еспанским большевиком муницию и цалком ясно же часто од бомбардованя настрадаю. Од початку жалосней домашней войны у Еспаниі потопено 56 лем англійски ладі. Хто ше до битки умиза муши и вон дацо вобрац.

ПОВИДОНОСНО НАПРЕДОК

идве народна еспанска армия и виганя большевицох в єдного варошу за другим. На Штредовемним морю страцели большевици векши варош Каствельон. Народна армия идве далей на Валенцию, одкаль большевици уж сцекаю як паткані вос ладі, цо ше топи. Генерал Франко дума окружиц Мадрид вос шицких стравох и вон сам муши придац.

НЕМЕЦКА НЕ СЦЕ ПЛАЦИЦ

длуста бувшей Австриі. Так явела немецка влада англійскей. Як знаме, по войны Англія и Французка давали вельки пожички Австриі лем да ше вона як окрема держава отрима. Тераз французки и англійски капиталисти у велькей бриги за своіо капитали, цо их Австриі пожичели вос гаранциєю французкей влади. Ані у Лондону а ані у Париву за тераз не знаю цо почац. А найбаржей болі кед дакого вдериш по кишеньки!

АМЕРИКА НЕ ПРЕДАВА АВИОНИ

тим воюющим державом, котри бомбардую в авийонох неутвердзени вароши и цивилне жительство. Таки нечловечи способ войованя Американци найоштрейше осудзую — гуторел у Вашингтону америкки министр вонкашніх ділох Кордел Хел. — Тото бомбардоване наисце доказуе, же у нешкайших людвох цалком превладала жвирска мержня.

ЦЕНА ЖИТА

у нас ше ваш дзвигла до 250 Дин. А ніхто не предава бо нет жита уобще. Нове жито у цалей держави барз добре випатра. Ище 14 дні и будзе ше кошиц. О цени нового жита одлучи урожай у Америки, одкаль приходва розлични и не цалком бивовни висти о урожаю. Вельо ше ту шпекулуе.

Нова школа у Керестуре.

На перши дзень Русадльох по велькей Служби пошол шицок народ зос церкви на порту, дзе ше почала будовац нова школа, бо було у церкви виглашено, же ше пошвеца темелі новей школи. Од бановини бул инжинир Янич, котри направел плаі за нову школу. Среского начелника заступал пан Владо Биндас срески чиновник. Присутни бул и старшина суда з Кули п. Томич и предузимач п. Франц Рудолф. Пошвецел темелі о. Михайло Фирак з обидвома капеланами. До фундаменту замуроване писмо-грамота, котре краснима словами виписал п. уч. Петригала. У тей грамоти описане, яка то будовля и же е збудована Богу на славу, а на хасен оцовщини и руского народа.

По пошвецаню отримал о. Михайло Фирак кратку бешеду. Радосц напољное його шерцо, же дожил тото щесце, да може пошвецит у Керестуре трецу руску школу и то баш на Сошествие св. Духа. Най тото здание тиж будзе дом, з котрого ше будзе шириц добри дух у нашим народзе. Школа тота руска, бо ю сам руски народ будуе и у ней ше буду учиц руски дзеци на руским язикю. Тераз и гевти старши школи руски, але их дакеди будовали през народу, да ше у ніх дух народни гаши. Нашо щесце, же ше конар нашого руско-українского народу находзи у братскей шлебодней Югославиі, котра дава нашому народу шлебоду за народне розвиване. Дзекуе шицким, котри ше трудза на тим, да ше школа може збудовац.

По пошвеценю була схацка, на котрей отримал бешеду директор нашей школи Дюра Дудаш. Вон гварел: »Радуем ше, же Вам можем з нагоди нешкайшого нашого школского торжества прегвариц даскельо слова. Дваецц роки бешедуе ше у Керестуре о тим, же нам треба будовац трецу школу пре вельке число дзедох. И ето нешка зме тот радосни и длуго очековани дзень дочекали. Темель трецого школского здания у Керестуре пошвецени.

Не легко було присц до того пошвеценя, гоч то була давна потреба. Тераз не време о бешеди, чом ше скорей не почала будовац, гоч як то требало, бо на 900 школярох лем дзешец класи и 10 учителе — то наисце мало, да школа так дзеци учи, як треба.

За предану школску жем, котра школи барз мали хасен приношела, достало ше потребни пенеж. Кубури було досц зос плацом, бо нам стари школски плац на Вельким шоре сцели вжац. Але нашол ше человек, котри цалу ствар на добру драгу упутел (шицки крича: живио новтаруш Борота!), шицки котрих ше будовля тикла, зложели ше, же треба такой будовац и ето нешка зме темель

новей школи поставели и пошвецели, а до септембра ма буц готова. У одбору за будоване (10 члени) сами таки людзе, котри заслугую обще довице та ест надія, же вони тоту роботу крашине доверша як и започали.

На тим месце, дзе ше тераз будуе нова школа, була тиж дакеди школа. Була вона дараз найкрасша хижа у тим краю, але з временом сүшедски хижи ю обегли. Остала вона медзи німа як стара широта гдовица и на концю ше звалела. Дай Господи, да ше наш валал далей так розвива и да з временом нашо людзе себе будую ище красши хижи, як цо будзе нова школа.

Двоме учителе, цо у тей старей школи учели ту присутни. Же вас вони добре учели видно по тим, же сце зос таку дзеку прилапели вивесц нову будовлю. Дай нам Боже цо вецей добрих учительох, котри буду чада нашо учиц Богу на славу, оцовщини на хасен а родителюм на потіху.» (Тота бешед п. директора Дудаша була приятна зос сердечним кляпканьом.)

Присутни п. директор у пензиі Мих. Поливка подзековал за слова признаня старим учителюм и спомнул, як им було чежко теди учиц руски дзеци на цудзей бешеди. Мучели ше дзеци а боме з німа и учителе. Даедни родителе думали, же учителе так сцу, а вони на то були примүшени, Радуе ше, же дочекал час, кеди ше у руских школах руски дзеци по руски уча.

Нова школа ма буц готова до початку школского року, значи до септембра. Будзе у ней пейц школски сали, а два сали буду так направени, же ше можю по потреби злучиц до єдней 18 метери длугокей сали. При школи будзе тиж и купель, котра нам барз потребна особено у жимушнім часу.

Слава Богу, наш Керестур напредуе!

Нови руски дневник.

15. юна почали в Ужгороду на Горніци виходзиц дневни руски новини под меном „Нова Свобода. Тоту новину почал видавиц пред веліма роками о. Августин Волошин под меном „Наука“ ище пред войну. По войны достала новина мено „Свобода“, бо наш народ ше вишлєбодзел од малярского владаня, и виходзела кажди тидзень. Тераз пременета на дневнік и вола ше „Нова Свобода“.

Тераз виходза у Европи пейц руски дневни новини и то три у Львовє: „Діло“, „Новий Час“ и „Укрвінські Вісти“. На Буковини у Черновцох виходзи дневнік „Час“. Іу нїм пришла тераз и „Нова Свобода“ у Ужгороду. — Новому дневніку котри на Горніци уж давно бул потребни, жичиме вельо успиху у народней рускей борби. Най го предплацую шицки школовани Русини и шицки свідомейши и матнївїши Русини.

Ширене руских новицох на Горніци треба да нас поруша па да ше стараме ище баржей розшириц нашо „Руски Новини“, да ше вони можю повекіпац.

Наш народ.

(Виклад уч. К. Бесерминя отримани на Академії у Бачинцох 29. V. 1938.)

Руски народ живе нешка розшати по велих європейських державах, а ест го и у Америки. Так, найвецей ест го у нешкашней Русі, (коло 35 мил.), Польской (7 мил.), Чехословацкей и Румунскей.

Ми, Русини у Югославії, конарчок зме велького Руского народу, котри и нешка живе на Україні, лем цо не живе шлвободно. Нас у Югославії ест коло 40.000, а розшати зме по Сриме, Бачкей, Славонії и Босней. Не пришли ми шицки у исте време и веднак до тих крайох, але зме ше ту населели през вельо роки. Наймладши по биваню Русини у Югославії тоті, цо жию у Славонії и Босней. Приселели ше вони до тих крайох пред 40 роками. Селіц ше почали 1895. року и то зос Галичини. Пришли вони до тих крайох, бо там постали за них чезки часи. Страцели там шицко свойо: жемі, леси, статок и т. д. бо то шицко вжали од них и постало власноц польских графох, баронох и богатих жидох. У исти час, кед ше едно число селело до тих наших спомнутих крайох, вельке число, и то дас пол милиона, одселело ше аж до Америки, лем да може далей жиц и да не муши робовац свойому неприятельови.

Тоти даскельо езри, цо приселели до нашей держави, то нашо браца по бешеди, вири и народноци. Вони зачували свою руску бешеду таку чисту, же ище и нешка бешеду так чисто, як цо ше на Україні бешедує, док, як нам познато у нашей бачванско-сримскей бешеди ест барз вельо помишани слова зос цудзних бешедох.

Дава нам ше красна нагода, да чисциме нашу бачванско-сримску бешеду од цудзних словох и то, так, да цо вецей читаме новинки и книжки, цо ше друкую у нашей друкарні, на чистей руско-українскей бешеди. Неשמеме ше, а и не мушимо ганьбиц своей бешеди, бо як уж напредку спомноте, наша Руска бешедна спада помедзи найкраши бешеди на швеці.

Зос тима даскеліма словами, упознали зме же ми Русини еден окремени вельки слав-

янски народ, котри ма свою вельку и славну историю и котри ше по шицким розликує як од Русох, так од шицких других славянских и неславянских народох.

Мушимо буц поносни, же и ми Русини у Югославії, една часц того велького и славного руского лебо Українського народу. Зато читайме и упознавайме нашу прешлосц, нашу историю и учме нашу Руску литературу, а любме шицко цо нашо. Най нам будзе найвекша брига и старанє о просвищованю нашей младежи, да вона тото шицко полюби и приме, и да, надалей трима и отримувє, а не да ше однародза, свойого ше ганьбя и да так препадню. Зато най им буду вше отворени дзвери до наших Просвітних друштвох, Читальных и других добрих организацийох. Бо кед ше вони одцудза од свойого, кед не буду свойо любиц и помагац вец препаднеме. Бо едино у младих шерцох мож добри фундамент збудовац, а народна присловка гутори нам тоту найвекшу правду: „На младших швет остава!“

Мудра работа Словакох.

Секретар найвекшей словацкей Народней странки, котра заступа словацки народ, нар. посланик Сидор, так гуторел єдиному французькому редакторови: „Словаци не приставаю ані з Мадярами ані зос Поляками, Словаци сцу остац далей у Чехословацкей рупублики але не зос любви гу Чехом, лем зос любви гу самим себе. Ми знаме, же лем у тей держави можеме и мушимо посцигнуц найвецей шлвободи. И зато зме придали у Праги нашо жаданя. Перше цо питаме то окреми словацки парламент, котри будзе выдавац закони за Словакох. Чехи муша одповесц чи приставаю на нашо жаданя а кед не, чом. Сцеме жиц зос Чехами як браца равни з равнима, еднаки з однакима.“

Кед терез Чехи одруца тоті цалком праведни жаданя Словакох вец укажу, же им не стало до злоги и злагоди зос Словакам, а незлога не будзе хасновац ані єдним ані другим и лем ослаби их державу, котра ше и так находити у смертельней опасноци.

волод. Аж по шмерци Всеволода завладац у Києве Изяслав син а унук Ярослава Мудрого Святополк.

Схадка князох у Любечу 1097. року.

Да престаню кирвави борби медзи князми унуками и праунуками Ярослава Мудрого зволат киевски княз Святополк року 1097. схадку шицких князох до Любеча. Ту ше князи порозумели ни тим, же кажди княз най трима свойо княжество, — свою оцовщину. Але то порозумене не старло незгону и мержню медзи князми. Такой по тей схадки волински княз Давид Игоревич влапел княза Василька Ростиславича зос галицкого Варошу Теробовля и зос знаньом самого киевского княза Святополка дал го ошлєпиц. З того настала заш дуга война медзи князми.

Половци.

По страшних Печенїгох, котрих Ярослав Мудри ледво розбил, зявели ше у степох над Чарним Морїом нови дзиви племена Половцох ище горши од Печенїгох. Вони нападали на руски краї на югу од Києва гарали и палели валали и вароши руски, а народ одводзели до неволї, да им служи за рабох. Кязи наместо да ше зложа и браня свою родзину жем од дзивих Половцох, войовали медзи собу, а давни их ище и волали себе на помоз проци других князох. Народ мушел з южных крайох знад Чарного Моря сцекац на сивер и запад, а южни краї постали пусти, тарговина з Цариградом ше претаргла и од того Киев тиж вельо страдал.

Авто за каждого.

У Немецкей терез найвецей бешедує и новини немецки, а и цудзи найвецей пишу о нових барз тунїх аутомобилох, котри кажди роботнїх годзен набавиц за 5 марки тижньо-вей отплати. То ауто за каждого. У Фалерслебену уж ше будує нови фабрики цо буду тоті нови аута виробїовац.

Ша чи то таке важне, да кажди роботнїк ма свой ауто? Чи у тим шицко щесце человека.

Правда, не шицко у аутох, але не шмеме забуц, же нешка мац ауто то значи буц богатим человеком, „буржуйом“, котрому роботнїк завидзи и мержи го, бо ше на ауту вожи. Роботнїк ше так чувствує незадовольни, постава комунистом. А кед вон сам себе набави ауто та ше будзе в недзелю крашне на ауту зос свою жену вожиц як його газда капиталист висохне жридо його незадовольства. Роботнїк ше будзе чувцовац, же є подзвигнути, же и вон який пан. И так тоті „народни аута“, цо их Немци думає до 1940. року направиц аж два и пол милиона, буду найлепши агитаторе проци незадовольства и комунизму.

Други хасен думає ище Немци вицагнуц зос „народних аутох“. Вони терез правя вельо штучного бензину да подчас войны маю свойого бензину на досц. Тот бензин дракши як обични та ше виплати правиц го лем теди, кед ше го барз вельо троши. Зато вони направиц уж терез пред войну вельо аута, да троша тот штучни бензин, а кед придзе война легко ше тото шицко обраци на вонни потреби. Главно да фабрики уж терез робя з полну пару, бо вец буду робиц и у войны. А будовац фабрики потребни за войну уж подчас войны нескоро. О тим ше Немци прешведчели у остатней войны.

Прето и тоті „народни аута“ за 990 марки (коло 14.000 дин.) то лем єден мудри, баш прави немецки способ приправяня за войну.

Пол рока уж преходзи, длужнїци подмирце заостату предплату!

Администрация.

Владимир Мономах. (1113-1125).

Медзи шицкими князми одликовал ше з мудросцу и одважносцу княз у Переяславе на югу од Києва Владимир Мономах, син княза Всеволода, а унук Ярослава Мудрого. Вон ше одликовал у борби з Половцами, бо видзел же од них найвекша опасносц рускей жемі грожи. А прето же вон скоро єдини бранел руску жем и народ од тих дзивих ордох, народ го барз любел и славел та прето кед киевски княз Святополк року 1113. умар, князом у Києве не постал його син Ярополк, але шицки були затим, же єдини Владимир Мономах достойни шедзиц на киевским златокнованим престолу.

И наисце владанє Мономаха, котри бул син византийскей царовни а жец англійского краля Герольда, то були остатні дні слави и моци Києва. Вон бул княз мудри праведни, старал ше за своих подданих, да ше з німа добре поступує, бранел жем од нападох Половцох та го сучасни писателє волаю „вельки, чудни, святи и добри“.

Од наслідникох Владимира Мономаха вредно сцомнуц його унука Изяслава II, котри бул у велім слични свойому дідови. Изяслав II. сцел ошлєбодзиц руску церкву од турского Цариграду, котри уцагнул церкву нашу до розколу и одтаргнул ю од римского престолу (1054). Зато Изяслав самостойно без питаня цариградского патиярха дал вибрац за киевского митрополита найславнейшого теди церковного писателя *Клима Сяолятича*. Але Цариград го не сцел потвердиц. (Далей будзе).

НАША ИСТОРИЯ

Препаданє Києва.

У тим времени, як ше Галицко-Волинська держава по шмерци Ярослава Мудрого 1054. року утвердзовала и мала таких вельких князох як Ярослав Осмомисл (1149.—1187. року) з роду Ростиславичох и Роман Вельки (1199.—1205. року), котри злучел Галичину зос Волиню основал нову руску галицку династию Романовичох, Киевська руска жем и сам Киев препадали вше баржей пре борби медзи князми за Киев.

Изяслав, Святослав, Всеволод.

По шмерци Ярослава Мудрого завладац у Києве Изяслав син Изяслав як Вельки Княз Його би други руски князи мали слушац и вон мал буц им як оцєц. Але кед Изяслав бул у битки над риду Альта з дзивими Половцами побити, Киевляне го сами вигнали, а на його место привели другого княза Всеслава зос варошу Смоленска на Билей Руси.

З помозу свойого братакы польского княза Болеслава завладац Изяслав заш у Києве, але го невдлуга вигнали заш двоє його браца Святослав княз Черниговски Всеволод княз Переяславски.

Святослав постал киевским князом, а Изяслав замодлел за помоз аж немецкого цара Генрика IV. и папу Григория VII., до котрого послал єдного од своих синых, та придал себе и руску жем под опіку Христового Намисника. З помозу папи завладац Изяслав заш у Києве.

По його шмерци постал киевским князом не його найстарши син, але трєци брат Все-

